

505005

醫
問
世
貴



醫無閭子醫酉貫

艮
單
趨
豪

四明獻可趙氏養葵父著
男貞觀如葵父校

醫 貫

上海古籍書店復印

一冊 定價二元

十五·一一三五Q

七九·四

醫貫

胎產遺論

客有問於醫無問子曰先生嘗論調經以滋水為主
不須補血何也曰吾有所受之也經曰女子一七而
腎氣盛齒更髮長二七而天癸至任脉通太衝脉盛
月事以時下天者天一之真癸者壬癸之水月者水
之精以一月而盈則昃女人經水一月而下故名
月信以時而下能有子不以時下或過期或不及期

皆為有病：則不能有子。所以必須調經。調經必以
滋水為正。或問曰：同一紅色，非血而何？曰：女人所以
與男子異治者，正為經水胎產有不同耳。女人別有
一繫胞之所，即養經之處。養之一月而行，則虛矣。
以時交感，故能以虛受人。若有孕，此水即以之養胎。
而不月矣。一有子，此水即化為乳，亦不月矣。乳之色
白，也可謂血乎？至於四十九而天癸絕，其所絕者天
癸水也。其流行之血，不見其虧，故不須四物湯補血。

必以六味地黃滋水。滋水可兼補血。補血兼不得補水。何也。蓋血乃後天飲食入胃。游溢精氣而成。以爲一身流行之用。若夫經水乃衝任所主。人身中有奇經八脉。俱屬腎經無形之脉。其衝任者。乃奇經之二。其脉起於胞中。爲經脉之海。與手太陽手少陰爲表裏。上爲乳汁。下爲月水。女人獨稟此水以爲生。之原與男子二八之精同。炁從天一之源而來。潛滋暗長。積至一月而滿。則溢似血而實非血也。故經

曰男子以之藏精。女人以之繫胞。然其間又恃一點命門之火為之主宰。火旺則紅。火衰則淡。火太旺則熱。火衰則白。所以滋水更當兼養火。甚有乾涸不通者。雖曰火盛之極亦不宜以苦寒之藥降火。只宜大補其水。從天一之源以養來使滿。而溢萬母有。毒藥可通之理。已窮而益窮。再無可生之兆矣。此調經之法類如此。法門一立。既可以調經。可以種子。即可以安胎。固胎。若有外邪侵襲。與夫脾胃虛。

衰者別隨雜症叅方調補之不能盡叙

調經地黃湯

澤瀉一錢

五味子一錢

阿膠一錢

熟地四錢

山藥

二錢

山茱萸

二錢

丹皮

一錢五分

茯苓

一錢半

水二鍾煎八分

或曰牡丹皮澤瀉能墮胎何以用之曰大觀本艸云丹皮破惡血生新血安生胎落死胎蓋用於破血藥中能破惡血用於補血藥中能生新血用于安胎

藥中能安胎矣。澤瀉內經治酒風身熱解墮汗出如
浴惡風少氣者。以澤瀉朮各十分。麋銜五分。合
以三指撮為後飯。且仲景立方之祖。何以用二味
於八味丸。以補腎。東垣八味丸論。何以稱其強陰益
精補腎氣。益氣力之功。不必固疑。如不及期而來者。
有火也。只宜以本方滋水。火自平矣。如不及期而來
多者。本方加海螵蛸。紫胡芍藥。如半月而來。或十日
而來。且綿延不止。此屬氣虛急用。

補中益氣湯

如過期而來者火衰也以本方加艾

葉如遲而色淡者本方加肉桂遲而過多者亦加肉桂防風甚則用升陽舉經湯此其大畧其間亦有不及期而無火者有過期而有火者或多寡之不同不可拘於一定當察其脉之遲數視其稟之弱強俱以滋水為主隨症而增損之無不愈也凡紫與黑者多屬火旺之甚然亦有虛寒而紫黑者不可不察脉而審症若淡白者無火明矣

升陽舉經湯

人參

黃耆

甘艸

柴胡

升麻

防風

肉桂

虛寒者加之

多有臨期作痛者。皆不足也。以調經本方加黃耆牛膝肉桂。或有火者。亦以本方加牛膝芍藥柴胡。若經後作痛。只用調經本方。不必加減。或加減八味地黃湯為要。又有經水兩三月一行。左脇有塊。此肝脾鬱結之症。用加味逍遙散。兼服調經本方。

大凡月經短少漸至不通者但宜調養元氣若攻其邪元氣反傷矣。柏子仁丸可用慎勿以毒藥通之。

柏子仁丸

柏子仁炒

牛膝

卷柏

澤蘭

各五錢

續斷二兩

熟地三兩

右為細末蜜丸仍用調經地黃湯多服

婦女經水不調多有患瘰癧者以調經地黃湯加柴胡芍藥貝母桔梗無不愈

婦人多有血崩之疾。當分陰陽而治。氣血人身之陰陽也。陽主升。陰主降。陽根陰。根陽一升一降。循經而行。無崩陷也。若陽有餘。則升者勝。血出上竅。陽不足。則降者勝。血出下竅。總之血隨陽氣而升降者也。陽氣者風也。風能上升。然又必須東南方之溫風。始能上升。故用助風益氣湯。有陽氣虛不能攝血而崩者。其人必面白。尺脈虛大。飲食無味。或久病者有之。

柴胡

升麻

防風

荊芥

炒黑

羌活

獨活

人參

黃耆

甘草

阿膠

桂枝

有陰中之陽氣虛而崩者其人必面赤尺脉數鼓指而有力飲食知味

助風益氣湯

升麻

防風

羌活

柴胡

荊芥穗

炒黑

獨活

熟地

山藥

丹皮

阿膠

山茱萸

茯神

二方俱可治崩益氣者不可用一味血藥

益陰者不用一味氣藥分別施治無不神効至於有男婦大便下血者亦依二方分治無不効

女人有帶下之疾帶者奇經八脉之一也腰臍間迴身一週如束帶焉八脉俱屬腎經天地間黃河若帶人身中之帶脉所以統攝乎一身無形之水下焦腎氣虛損帶脉漏下白者為氣虛赤者為有火治法俱以補腎為主白者多赤者少有脾虛者六君子加升麻柴胡有氣虛者補中益氣湯加半夏防風有肝

虛者逍遙散兼六味丸

膠艾湯

阿膠

艾葉

杜仲

姜汁炒

續斷

熟地

柴胡

黃芪

炙

防風

山茱萸

補骨脂

如赤帶以六味地黃加杜仲續斷阿膠柴胡

防風

有患惡阻多在三個月之時相火化胎之候壯火食氣上冲胃口食入即嘔少陰腎水既養其胎少陽之

火益熾須用清肝滋腎湯

即六味地黃加柴胡

芍藥

先用逍遙散以止嘔

柴胡

一錢

芍藥

一錢

當歸

一錢

白朮

八分

陳皮

茯神

一錢

甘草

五分

薄荷

七分

貝母

一錢

竹茹

一圓水

二鍾煎

七分

徐服

一二劑

仍用

調經滋

腎湯

加杜仲續斷嘔甚者加黃連炒吳茱萸

有一等胎氣常患小產者須預防之凡小產多在三